



# DEO OPTIMO MAX. UNI ET TRINO.

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis decimâ-quartâ  
mensis Februarii, anno Domini M. DCC. LXXXII.

M. FRANCISCO THIERY DE BUSSY, Consiliario, Medico  
Regis ordinario, in supremo Senatu Parisiensi, Doctore Medico,  
Præsîde

*An fractio Cranio, semper admovenda Terebra?*

### I.

CEREBRUM, nobile illud spiritûs animalis & vitæ promptuarium, tum loci sublimitate, tum substantiæ mollioris friabilitate, externis undiquè pateret insultibus, nisi ossæ veluti galeâ ipsum munisset Natura prudens. Sed ex ipso securitatis fomite manat periculorum uberrima scaturigo. Ipsa Calvariæ soliditas in Hominis detrimentum quandoque vertitur. Irruentium mole ac impetu gravitè læduntur Integumenta, periculose contunditur Pericranium, quoddam subjecta obnitatur Calvaria. Hic effracto Cranio, prominentia ossium acumina membranas excruciant: illic effusus per collisionem humor difficilîus excernitur, aut contusæ Meninges commotumque Cerebrum resolventium beneficiis mînds fruuntur, dum præcludit iter solidior pixidis ossæ substantia. Hinc percusso vehementer capite, horrenda pullulat Symptomatum caterva. Homo concidit exanimis, caligant Oculi, surdescent Aures, obtumescit Lingua, Sanguinem Auribus, Naribus, Oculis excernit; mox sequitur Nausea Bilisque Vomitus; tum lævit

2  
acutissima Febris, caput dolet plurimum quâ parte percussum est: vertigine corripitur miser, spirandi difficultate, Vetro, stupore, Paralyfi, Convulsione, Delirio. Sic afflitis ægroti rebus, quodnam adhibendum auxilii genus? Cujusnam implorabis opem? Jam adest Chirurgus, qui compertâ in Cranio rimâ Trepanum prædicat: jam terribilem instruit operationis apparatus. At siste manum incondita mollientem, nisi Medici consilio dirigatur. Humano Capiti ferrum immittere non licet, nisi de Operationis necessitate constiterit. Non semper celebranda operatio est, quæ nunquam expers periculi, aliquandò inutilis esse potest.

#### I I.

**C**ORPORUM contundentium durior hebetudo graviorque moles periculosissimè caput afficiunt. Hæc Cranium disfringendo, Meningibus intrudunt ossium fragmenta, spiculis suis membranas crudeliter laceffitura. Est ubi tabula ossium exterior, spongioso Diploe innixa, impingenti resistit telo, dum interna tenuior, nec pari adminiculo subfulta dissilit. Sæpè ultrâ Cranium propagatur frangentis energia, & Cerebrum obvolvensesque Membranæ contunduntur. Sic disruptis commoti Cerebri aut duræ Matris laceratæ vasibus, intrâ Cranium effunditur humor, qui mole Cerebrum comprimens, acredine quam morâ contrahit Membras irritans, dira suscitât symptomata. Porro si tactu visuque pateat ossa sub ipso ictu depressa Cerebrum comprimere, Membranasque pungere; si auctis, vel non remittentibus Symptomatis, ex sapientis Medici judicio, effusus intrâ Cranium stagnet humor; si nec ossium fragmenta remove, nec ipsis remotis liceat depressas partes restituere, aut effusus liquoribus exitum concedere, haud morâ solers admoveatur manus. Nudetur Cranium, si vulnere omnino non, vel non satis nudatum fuerit. Mox Ossi admoveatur Terebra, quam undequaque æqualiter serrantem leniter prudenterque circumagat Chirurgus. Tum resectus Cranii orbiculus Elevatorio educitur, totiesque iterum applicatur Terebra, donec satis patens sit Chirurgi foramen. Hæc viâ, licebit illicò ossis fragmenta subiectis infesta Meningibus eximere Vossellis, Forficibus excindere, Veste elevare, Meningophilace adæquare, Cruorem Venis effusus exhaurire vel Saniem, læsis Meningibus remedia commodius admove. Quod si operatione peractâ, ex humore lividis Meningibus coercito non remittant Symptomata, nihilque osse terebrato profluat, Scalpelli cuspide Membras attingere ne dubites. Sic prudenter administrate operationis felix laudabitur eventus, aut si minis prosperè cesserit, non criminabitur Operatio, cujus occasio fuerit Necessitas.

#### I I I.

**U**T varîe sunt Fracturarum Cranii differentîe, sic varia illis decernenda curandi methodus. Non semper eadem est ictuum casuumque vehementia, non est in omnibus eadem Calvariæ soliditas, nec semper est idem Fracturarum modus. Nunc exteriorem tantum vel utramque Ossis tabulam capillaris Fissura dividit; modò evidentior est rima, licet nullis prominentibus aculeis aspera, & apprimè conniventibus Fracturæ marginibus. Frangendo Cranio sæpè totus impenditur frangentis impetus, dum intacta manet Membranarum Vasorumque continuitas. Sic læso mitius Capite, non te deterreat Symptomatum vehementia. Hæc ut ab effusis intrâ Cranium humoribus aut pungentibus officulis quâdoque procedunt, sic etiam aliquando à solâ membranarum leviori Contusione ipsarumve Phlogosi, ducunt originem. Dura Meninx Cranio firmiter undique colligata collisionis impetum periculis ipsa vellicaturque. Contudentis impetu

Carotidis externæ ramuli Capitis integumenta perrepantes fortiter exprimuntur: hinc Sanguis ipsis contentus tum versus capillares tubulos validè cogitur, tum versus Carotidis truncum refluit impetuosiùs. Sic in omnibus Carotidis externæ furculis majori mole & citiori motu actus Cruor ruit quàm minor est resistèntia, ruptisque repagulis, vel tumorem in parte remotà fuscitat, vel Naribus, Auribus, &c. proflit. Duræ Matris Arteria, tum & Carotis interna hujus quoque refluxus participes Sanguinem vehementiùs propulsum uberius excipiunt, & dilatantur ampliùs. Hinc ingurgitantur inflammanturque Membranæ: hinc intercurrentibus Arteriis medullaris comprimitur Cerebri substantia, eò magis quòd Phlogosi convulsæ Meninges. arctando Calvariæ sinus, Sanguini moram pariant in Cerebro. In Nervos etiam propagantur Meningum strictura & irritatio; dùm ipsis assiduæ comites involucri suppeditant. Sic imminutà, cohibità, perversà Spirituum distributione, tota cohibetur pervertiturque motuum animalium œconomia. Numquid hæc omnia Trepani necessitatem arguunt? Minimè. Imò Terebræ applicationem aliquandò inutilem esse meritò affirmaveris.

## I V.

**I**DEO Fracturæ Cranii admovetur Terebra ut effusis & stagnantibus liquoribus aperiat iter, vel depressæ restituantur partes. Quæ Calvariæ Fracturam comitantur Symptomata Trepanum non semper expostulant, sed operationem dehortantur, si paululùm remiserint. Compresso sub benigniore Fracturâ Cranio, dura Meninx quæ ipsi firmiter alligatur, distrahitur, inflammatur, rumpuntur ipsius connexionis funiculi: sed quid distractâ? Quid à Cranio sejunctâ, aut inflammatâ durâ Meninge, proderit Trepanum? Largioribus & repetitis Sanguinis missionibus, extremè tenui Victu, Resolventium cephalicorum applicatione ex Salviâ, Rutâ, Scordio, Lavendulâ, Sihæade, &c. instituenda est humoris in Meningibus hærentis discussio. Sic, inquit Ruischius tam solers in Chirurgiis quam perspicax in Anatomicis, non rarò felicissimè opem tuli verâ etiam Cranii Fracturâ laborantibus, quorum capitibus jam Scalpellum incisforium imminebat. Depletis Venæ sectione vasibus in liberiore ipsorum alveum eructabant capillaria sanguinem, quò nimium turgent. Tenues fomenti discutientes partes intra Cranium admissæ nimis hærentes aut Revulsioni imperio minus obsequentes succos attenuabunt & resolvent. Non timeas ne ex ruptis ossium fibrillis exudans lymphâ acredinem concipiat aut descendat in Meninges. Ista foris nutritiæ stillatio, quæ in cæterorum ossium fracturis, callum generando, ipsorum ferruminationi materiam suppeditat, fracto Cranio simile confereat emolumentum Abiit credas exiguam duræ Matris à Cranio divulsionem humoris intrâ Cranium effusiois ansam necessariò præbere; Periosteum, in simplici Artuum fracturâ ab osse sejunctum, rursus cum eo facilè glutinatur sine effusionis metu: quâni & dura Mater quæ Periostei vices gerit? At te nodus angit. Quæris undenam, ingruentibus Symptomatis, certò constabit nullum intra Cranium effundi liquorem, nullasque adesse compunctionis causas? Expecta paulisper. Videas num Remediorum usu remittant Symptomata, Pungentia ossium acumina, & effusus intra Cranium humor vulgaribus non cedunt præfidiis. Num ex illorum applicatione mitescunt omnia? Humorem circulationis legibus subijci, spiculorumque absentiam certò conjicies, & inceptam medicamentis absolves curationem.

\* Observ.  
Chirurg. LX.

## V.

**A**PAGE igitur qui fracto Cranio ad Trepanum semper trepidi concurrunt. Ne dicant Terebræ applicationem non adeò reformidandam esse. Siccineloqui decet quos sublevandis hominum infirmitatibus præfecit Altissimus? Quid

4

semper perforas Calvariam incertus effusionis in Cranio compressionisve? Non sic liceat experimenta per mortes agere. Malignæ crudelitatis aut ignorantiae meritam incurrit labem, qui sine necessitate operationem aggreditur, unde pro incertâ levaminis spe, certa veniunt ægotanti pericula. Quid autem non timendum ex levioribus operantis Chirurgi peccatis? Si nempe vel nimis vel inæqualiter Terebram agitando, duram Meningem attigerit Serrâ: quid si quâ parte applicatur Trepanum duæ ossis tabulæ sese contingant, ut non rarò visum est? Quid si duræ Matris Arteria, quæ ossium superficiem perreptare solet, profundo includatur sinu, aut ossiâ complectatur laminâ? Tunc enim ossis & arteriæ simul perficitur excisio, vel dum resecta ossis pars educitur veste, inclusa quoque abripitur arteria. Num feliciter operatio peracta est? En ab aëre circumfuso imminet non leve periculum. Nihilne involvit timoris diuturna duræ Meningis denudatio, ipsius Phlogosis haud infrequens causa? Nihilne affert discriminis Capiti foramen infligere nonnisi exfoliatione lentissimâ occludendum? Uno verbo sic semper celebratâ operatione sæpè decumbit in lecto per quinquaginta dies, non ex morbo, sed ex operatione ægotans, minimo in rebus nonnaturalibus errore, capite plectendus miser, qui convenienti remediorum usu intra paucos dies incolumis evasisset. Hæc igitur te doceant reformidare, tibi que sapientem incutiant metum. Admoveas Trepanum, sed nunquam admoveas inutiliter. Quæ jubet Prudentia ut Terebres, cum certa sunt effusionis compressionisque signa, hæc eadem postulat ut non omni Fracturæ Trepanum applies. Magnum Chirurgiæ principem ausculta Celsum\*, qui fracto fistove osse experiri remedia multo melius esse judicavit, quam admoveere ferramenta. Sic prudenter cunctando nunquam restituitur res, inutilisque declinat operatio ægotanti plerumque luctuosa.

\* Lib. V. 111.  
i. 42. 17.

*Ergò fracto Cranio, non semper admovenda Terebra.*

## DOMINI DOCTORES DISPUTATURI.

- |   |  |                                       |
|---|--|---------------------------------------|
| M. Philippus-Alexander BACHER.  | M. Joannes-Jacobus NOLLAN.   | M. Guido DANIE DESPATUREAUX.          |
| M. Claudius-Andreas GOVBELLY, Rei Herbaria Professor designatus, in Supremo Senatus Patronus.   | M. Benjaminus-Michael SOLIER DE LA ROMILLAIS, Scholarum Professor. | M. Cleriadus VACHIER.                 |
| M. Antonius-Laurentius DE JUSSIEU, Eques, Regi à Consiliis & Secretis, Regiæ Scientiarum Academiæ Socius, in Horto Regio Botanices Professor & prodemonstrator. | M. Claudius LAFISSE.   | M. Petrus-Josephus MORISOT DESLANDES. |

Proponerat Parisiis ANTONIUS-JOSEPHUS-VICTOR LENDORMY.  
LAUCOUR, Mondiderinus, Doctor Medicus Remensis, necnon  
Saluberrimæ Facultatis Medicinæ Parisiensis Baccalaureus.  
A. R. S. H. 1782. AB OCTAVA AD MERIDIEM.

Typis GUILLAV, Universitatis & Facultatis Medicinæ Typographi. 1782.